

چند علیہ

مکتبہ جدیدہ اسلامیہ ننگر حیدرہ رستمیہ سید

شوال سنہ ۱۳۳۹

جلد ۶۷

شمس دینک آیدہ بر نشر اولنور

آلہ نئی سنہ

— دارالحکمه نثریاتی —

«بیاننامه»

جناب حق برقومه احسان ایلدیکی نعمتی آندن نزع ایلهمز . مکرکه او قوم، حسناقی سیاته تبدیل ایده .

ملتتمز ؛ غبطه بخشای اقوام اوله جق بونجه نعم السیهیه ، جهانکیر برسلطنت غالبیه عصرلرجه مظهر اولمش ایکن ، بالاخره دوچار اولدیغمز فلاکت و انحطاط ، شبهه یوق که افعال حسنه مزک جزای سزاسی دکل در . بز ؛ هر حالده عالم ایکن جهله ، قوی الاعتقاد ایکن ضعفه دوشدیکمز ، صمیمی ، عدل وحقه طرفدار و آتی مدافع ایکن ظلم وریایه کرفتار اولدیغمز ایچ ندرکه بوحاله کلدک .

معلوم اولدیغی اوزره وظیفه اصلیه سی اونوتمش ، خواب غفلته دالمش اولان حادثانک نوزارشادی تنویر ، قدیماً و فطرة حائر بولوندیقلری محاسن و معالی یی حادثانک لسان بلینی آنلره اخطار ایلر .

جهانک اک فاتح و حاکم ملت لرندن بری اولان ، شرق و غربک بر جوق اقوامی زیر حاکمیتنه آلان ملتتمز بالخاصه صوک حرب سنه لرندده ائم عالمک همان کافه سیله اختلاط ایلهمز در .

«الحکمة ضالة المؤمن» دستور منیفجه اقتضا ایدر ایدی که کلمات علمیه و مدنییه نامنه آنلرده هر نه کورور و بولور سهق اقتباس ایلهمز و بزده قالمش اولانلری دخی کندیلرینه ابراز و اهدا ایدلم . اصیل ، تشنه تنویر و تنور برقومه یاقیشان بوایدی . افسوس ؟... وایشته میدانده کورولویور که بز بویه یابما مقده یز .

اختلاف عادات وادیان و کثرت اختلاط اجانب ایلهمز عمومی اخلاق و آداب اجتماعی مزده بالطبع آچیلما مقده اولان رخنه لری ماهرانه تعمیر ایلهمز محفاظه موجودیته چاره لر تهری ایتمک کمز ایجاب ایدر کن بودفعده روس ملتجی و ملتجه لرندن فحش و قمار کبی امهات کبائر اشتراسه قاقیشدق که عالمده مستهلک ککک بوندن دهاسریع الافلاس شکلی اوله ماز . خایر ، ملت اسلامییه و هیچ بر فرد مسلم بوقدر مسرف ، نفس و هوا سنه بودرجه دوشکون اوله ماز . اوامر دینییه ، وظائف اجتماعی مز بزی بوندن منع اید یور . کرچه

خیر و شر؛ هر کس کشیدی افعالندن مستقلاً مسئول اولادینی کی دیناً منہی و شخصاً مضر بولنان بر فعلی عدم ارتکابده هیچ بر کیسه غیرک منہی ونصیبہ حتمہ محتاج اولمامق لازم کلیر . شو قدر که مضر قی شخصی اولادینی نسبتده اجتماعی ده بولنان بوقیل مناهیده منہی عن المنکرک ولوادنی درجه سی اولان لساناً توصیه و قلباً بغض ایله هر مسلمان مأمور اولدیفندن یکدیگری ایضا و ارشاده مجبوردر .

صاعلام عقللره ، منور معنویاته ، متین سنجیلره ، ملی ثروته هر زماندن ، هر ملتدن زیاده محتاج شومهم ، بحرانی زمانلره اولسون دماغلرمزی مضر ، مهلك اسرطولر ، کیسه لرمزی اسراف و سفاهت ایله تخریب ایتمکدن صافقلم . معنویاتمز شوائب ذنوب ایله تلویث ایدلسون . الله مسرفی ، مذنبی ، کرک نفسنه ، کرکسه غیره ظلم ایدنه سو من . حال بو که بز ؛ شو اوچ شینه موحدانه ، صمیمانه ، صاریله حق زمانده بز ؛ دینمز ، عنعناتمز ، اقتصادیاتمز .

۲۸ شعبان ۱۳۳۹ تاریخی رمضان شریف بیاننامه سی

فیض صیامدن طولای مستثنی بر نشوۂ استغراق ایچنده اصرار ایدیلان ایامی ، مبارک لیالی منور سیله شهر رمضان ؛ شبه یوق که اقدس شهر مسلمیندر . یالکز لیلۂ قدرینک بیک آیدن دها خیرلی اولدینی بانص کریم الهی بیان بیوریلان اشبو ماه مغفرتده قرآن کریم شرف نازل اولمشدر .

اولیله بر زمانده ، که مدنیات قدیمه مندرس اولمسیله نظام اجتماعی عالم بسبتون خللدار اولمش ، بشریت عظیم بر ظلمت ، الیم بر قارغشلق ایچنده پویان بولنمشدی . حق حرمت اولنیور ، هر طرفده قوته ، جبر و تحکمه سرفرو ایدیلیور ، خود اندیشی هر شیک فوقده طوتیلیور وبالطبع ظلم عدله ، اسارت حریت ، بدویت مدنیته غالب کلیور . رذائل مرغوب فضائل مردود عد اولنیور ایدی . دین حق بالکلیه ضایع اولمش ، اقلیتده قالدان صنف مدرکده هر لشکهارنده ارسالی مرعود اولان بی دیشانک ظهورینه انتظار ایلورلردی .

خلق تمامیه ظلمه نك ایاقلری آلتنده قالمش ، شجرۂ کفر و الحاد هر طرفه کوك صالمش اولدینی بویله بر زمان فترده ایدی که جناب حق بی اقدس و افخم افندمن حضرتلری بعث واکا قرآن کریمی ازال بیوردی . بشریت بو سایۂ جلیلت ددرکه قور تولدی . و کمال مدنییه واصل اولدی . شدت و صمیمیتله تمسک ایله دیکی تقدیرده هیچ شبه یوقدرکه دهایی ، دهامور کونلر کوره جاک ، دارینده مسعود اوله جقدر . ایشته بوسبه مبنیدرکه

قرآن کریمی، آنک زمان نزولی اولان رمضان شریفی تجیل بتون بشیریت متمدنیه
بالخاصه اسلامله ترتب ایدن بک مهم بر وظیفه شکران و محمدتدر . بو ایسه ؛ اول امرده
فریضه صلات و صیامک تمامی اداسی، نانیاً کافه مناهی دینهدن، که صدوری مسلمین
ایچون فرداً واجتماعاً هر حالده جالب ذل و حجابدر، اجتناب ایله ممکن اوار . هله آداب
اسلامیه هر زماندن زیاده رعایتکار اولمی ز . صیام، معلوم اولدیقی اوزره نفسی معین بر زمان
ایچون اکل و شربدن ساده جه منع ایدیویرمکدن عبارت دکلددر . عین زمانده اعضا و جوارحی منیات
کبیره و صغیره دن ده صیانت اقتضایدر . خصوصیه عشرت، قار، فحش کبی امهات کبائر دن
تمامیه حذر اولمالیدر . غزوات مسلمین اناطولیده خون شهادت لرخی دو کرلرکن بزم بوراده
کوز یا شلریمیزی اولسون دریغ ایتهمز، بالعکس منیات ایله اشتغالز موافق حمیت اسلامیه
اولمسه کرکدر . توبه و استغفار ایله، عبادت ایله، سعی مشروع مادیدن خالی زمانلری
استماع قرآن کریم و مواعظ حسنه ایله کچیرملی، تزکیه نفس و روحه، غایه خلقتنمز اولان
تقرب الی اللهه چالشالی ز . بزم متمدن، ناموسسکار، صیتلری عالی اولان اسلاف
کراممز بویه یایارلردی . رمضان شریفده جوامع شریفه من همان هر کون و کیجه لبالب
طولار، قرآن کریم و مواعظ دینه استماعیله احراز فیوض ایدرلر ایدی . اونلر دینلرینه،
ملتلرینه حرمت و تعظیم ایتدکجه بالطبع فضائل اخلاقه و بو صورتله بین الملل حائز شرف
وشان بر موقعه مالک اولورلردی . علمده هر درلو کمال، انجق اخلاق ایله اکتساب اولنور .
جناب حق خاتم النبیین افندمنزی و قرآن کریمی بونک ایچون کوندرمشدر . اگر بو آنه
قدر کوردیکمز فردی، ملی فلاکتلردن جدأ متأثر اولمش، تخلیص نفسه عزم ایلش
ایسه ک بزه بو صورتله حرکت ایتک لازمدر . هدایت اللهدن .